



TOSHKENT DAVLAT YURIDIK UNIVERSITETI REKTORINING B U Y R U G ' I

15.08.2022

218-um-son

Talabalar turar joyiga talabalarni joylashtirish tizimini yanada takomillashtirish hamda talabalarga qo‘shimcha imkoniyatlar yaratish to‘g‘risida

Chekka hududlardan kelib Toshkent davlat yuridik universitetida tahsil olayotgan talabalar uchun munosib shart-sharoitlar yaratish va ijtimoiy himoya qilish, ularning holidan doimiy xabardor bo‘lib borish, talabalarni turar joy bilan ta‘minlash tizimini yanada takomillashtirish bu borada ortiqcha ovvoragarchiliklarni oldini olish hamda Talabalar turar joyiga joylashtirishda ijtimoiy adolat, tenglik, insonparvarlik, oshkoralikni va shaffoflikni ta‘minlash maqsadida,

BUYURAMAN:

1. Toshkent davlat yuridik universiteti (bundan buyon matnda – Universitet) Talabalar turar joyi (bundan buyon matnda – TTJ) boshqaruvini samarali tashkil etish, talabalar holi va yashash sharoitidan muntazam xabardor bo‘lishning samarali tizimini yaratish hamda o‘zi-o‘zi boshqarishning mexanizmlarini joriy qilish maqsadida TTJ talabalarni joylashtirishda binolar quyidagi tartibda taqsimlansin:

Olmazor tumanidagi 1-son TTJ (292 o‘rinli) binosi Ommaviy huquq fakultetiga;

Olmazor tumanidagi 2-son TTJ (297 o‘rinli) binosi Xususiy huquq fakultetiga;

Uchtepa tumanidagi 3-son TTJ (548 o‘rinli) binosi Jinoiy odil sudlov, Xalqaro huquq va qiyosiy huquqshunoslik hamda Magistratura va sirtqi ta‘lim fakultetlariga.

2. Talabalarni TTJga joylashtirish bo‘yicha komissiya tarkibi ilovaga muvofiq tasdiqlansin hamda komissiya o‘z faoliyatini o‘quv yili davomida olib borishi belgilab o‘tilsin.

3. Komissiya talabalarni TTJga joylashtirishda quyidagi me‘zonlar asosida ijtimoiy himoyaga muhtoj bo‘lganlarini birinchi navbatda joylashtirishga alohida

e'tibor qaratsin:

a) "Ijtimoiy himoya yagona reestri" avtomatlashtirilgan tizimida ro'yxatda turadigan talabalar;

b) ota-onasi yoki ulardan biri vafot etgan va qo'shimcha ijtimoiy ko'makka muhtoj talabalar;

d) I va II-guruh nogironligi bo'lgan talabalar;

e) Mehribonlik uyi tarbiyalanuvchilari hamda to'liq davlat ta'minotida bo'lgan yetim bolalar va ota-ona qaramog'idan mahrum bo'lgan talabalar;

f) oilasi va o'zi "Temir", "Ayollar" hamda "Yoshlar" daftariga kiritilgan talabalar;

g) ijtimoiy ehtiyojmand oila vakillari, ya'ni boquvchisini yo'qotgan (turmush o'rtog'i vafot etgan), voyaga yetmagan farzandlarni yolg'iz tarbiyalayotgan ehtiyojmand ayollar;

h) oilasida 2 va undan ortiq (aka-uka, opa singillari) to'lov-kontrakt asosida oliy ta'lim muassasalarida tahsil oladigan talabalar (ijtimoiy ahvolini og'irligini o'rgangan holda);

i) ota-onasining doimiy ish joyi mavjud bo'lmagan (mavsumiy ishlarga yollanib ishlayotgan) talabalar;

j) oilasida (yaqin qarindoshlari orasida) 1 va 2-guruh nogironligi yoki surunkali kasallik bilan davolanadiganlari bo'lgan (ijtimoiy ahvoli o'rganiladi) talabalar;

k) kasalligi tufayli sog'lig'ini tiklayotgan talabalar.

TTJga ehtiyojmand bo'lgan talaba-qizlarning ehtiyoji o'rganilib, TTJga joylashtirishda ularga ustunlik berilishi mumkin.

4. Komissiya o'z faoliyatini quyidagi tartib asosida olib borishi belgilab o'tilsin:

1-qadam. Yuqori kurs talabalari uchun TTJ joylashish bo'yicha 2022-yilning 18-avgust sanasidan boshlab Talabalarga xizmat ko'rsatish markazi orqali talabalardan arizalar hamda 3-bandda belgilangan me'zonlar mavjud bo'lganda ularga asos bo'luvchi hujjatlarning elektron nusxalari qabul qilinadi.

2-qadam. Talabalarga xizmat ko'rsatish markazi TTJga joylashish bo'yicha kelib tushgan arizalarni hamda unga ilova qilingan hujjatlarni fakultetlar kesimida kunlik fakultet dekanatlariga taqdim etib boradi.

3-qadam. Fakultet dekanatlari nomzodlarning tegishli hujjatlarini atroflicha o'rganib, tahlil qilgan holda komissiya yig'ilishlariga taqdim etadi.

4-qadam. Komissiya yig'ilishlari 2022-yilning 22-avgustdan boshlab o'tkaziladi hamda TTJga joylashtirish bo'yicha kundalik natijalar (*tavsiya etilganligi yoki rad etilganligi*) Talabalarga xizmat ko'rsatish markazi orqali nomzodlarga ma'lum qilib boriladi.

5-qadam. TTJga joylashtirish bo'yicha tavsiya etilgan talabalarni xonalarga joylashtirishda ham inson omilini bartaraf etish maqsadida xonalar elektron platforma orqali aniqlanadi hamda talabalar ketma-ketlikda xonalarga

joylashtiriladi.

6-qadam. Tavsiya etilgan talabalar komissiya xulosasi ma'lum qilingan kundan boshlab TTJga kelib joylashishlari mumkin.

7-qadam. TTJga joylashgan talabalar ro'yxati komissiya kotibi tomonidan kunlik "Elektron universitet markazi" hamda Shartnomaviy xizmat ko'rsatish bo'limiga taqdim etiladi.

8-qadam. TTJga joylashtirish bo'yicha tavsiya etilgan talabalar TTJ to'lovi uchun shartnomalarni elektron tarzda yuklab olishlari mumkin.

9-qadam. Komissiya xulosasiga ko'ra rad etilgan talabalar qayta murojaat qilishlari mumkin. Ularning arizalari ehtiyojmandligi bo'lgan talabalar to'liq TTJga joylashtirib bo'lingandan so'ng qayta ko'rib chiqiladi hamda ijtimoiy adolat me'zonlariga muvofiq ketma-ketlikda joylashtiriladi.

10-qadam. 2022/2023-o'quv yilida 1-bosqichga talabalikka tavsiya etilgan talabalar bilan o'quv yili boshlangandan keyin komissiyada suhbat tashkil etiladi hamda komissiya xulosasiga ko'ra ushbu talabalar TTJga joylashtiriladi.

5. Komissiya (A.Xashimxonov):

TTJga talabalarni joylashtirishda ijtimoiy adolat me'zonlariga to'liq rioya etgan holda komissiya faoliyatini ochiq va oshkora tashkil etish choralarini ko'rsin;

talabalarni TTJga joylashtirishda 3-bandda belgilangan me'zonlarga mos keluvchi nomzodlarni birinchi navbatda joylashtirishga alohida e'tibor qaratsin;

TTJga talabalarni joylashtirishda ortiqcha ovoragarchiliklardan xoli bo'lgan tizim yaratilishini to'liq nazorat qilsin;

talabalarni TTJga joylashtirishda manfaatlar to'qnashuvini, "tanish-bilishchilik"ni oldini olish, bu borada barcha mas'ullar va komissiya a'zolarini qat'iy ogohlantirish choralarini ko'rsin.

6. Fakultet dekanlari:

TTJga joylashtirish, binolarni fakultetlar kesimida bo'lish tartibi hamda belgilangan me'zonlarning maqsadlari to'g'risida talabalar orasida muntazam tushuntirish ishlarini olib borsin;

TTJga istiqomat qilish istagini bildirib murojaat qilgan talabalarining ijtimoiy ahvolini hamda tegishli hujjatlarini o'rganib komissiya yig'ilishlarida taqdim etish choralarini ko'rsin;

talabalar tomonidan taqdim etilgan ariza va unga ilova qilingan hujjatlarni TTJ bino boshliqlariga taqdim etish hamda TTJda shakllantiriladigan shaxsiy yig'ma jildlarda saqlash choralarini ko'rsin;

TTJ binolarini fakultetlarga taqsimlash tartibiga muvofiq fakultet talabalarining belgilangan qoidalarga rioya ertishlari, o'zlariga ajratilgan xonalarni hamda TTJ binolarini toza va ozoda saqlashlari, binolarda o'zini-o'zi boshqarish tizmini samarali tashkil etish choralarini ko'rsin;

TTJda istiqomat qiladigan talabalar bilan muntazam uchrashuvlar o'tkazib, ularning yashash sharoitlarini yaxshilash choralarini ko'rsin.

7. Ma'naviyat va ma'rifat markazi (Sh. Po'lotov) mazkur buyruq bilan barcha komissiya a'zolarini tanishtirsin hamda komissiya faoliyatini tashkil etsin.

8. "Elektron universitet" markazi (A.Karimov):

10 kun ichida Talabalarga xonalarni elektron ajratish hamda doimiy monitoring yuritib borish imkonini yaratuvchi elektron platforma yaratish choralarini ko'rsin;

Shartnomaviy xizmat ko'rsatish bo'limi bilan birgalikda TTJga joylashgan barcha talabalar uchun turar joy to'lovi uchun shartnomalarni elektron shaklda yuklab olish imkonini yaratsin.

9. 2-son Talabalar turar joyi mudiri – kompleks rahbari N.Shayzakov Talabalar turar joyi boshqaruvi tizimini takomillashtirish, o'zi-o'zi boshqarish mexanizmlarini joriy qilish borasidagi ishlarni tizimli tashkil etsin hamda bu boradagi islohotlar bilan talabalarni xabardor qilib, ularning fikr mulohazalarini umumlashtirib borsih choralarini ko'rsin.

10. Devonxona (X.Abdullayev) mazkur buyruqni barcha tarkibiy bo'linmalarga yetkazish choralarini ko'rsin.

11. Mazkur buyruq ijrosi nazorati birinchi prorektor A.Hashimxonov zimmasiga yuklansin.

Rektor



A.TASHKULOV

Toshkent shahar

Kiritildi:

Direktor

SH.PO‘LOTOV



Kelishildi:

TTJ mudiri-kompleks rahbari

N.SHAYZAKOV



Devonxona mudiri

X.ABDULLAYEV



Katta yuriskonsult

E.XOSILOV



Yoshlar masalalari va ma‘naviy-
ma‘rifiy ishlar bo‘yicha birinchi
prorektor

A.XASHIMHONOV



Buyruq bilan tanishdim

SH.PO‘LOTOV

